



Martinus ex nobili familia de Schauenburg natus est anno 1525. Hic præclara indole præditus, doctis præceptoribus instituendus traditur. Ab ijs cum prima artium fundamenta iecisset, sese quoq; hinc inde ad Academias contulit, & hominum mores cognoscere uoluit. Postea ad Eystetensem Ecclesiam peruenit, & ob plurimas uirtutes eius collegij Decanus constitutus fuit. Eam functionem is tanta animi moderatione peregit, ut eius loci Episcopo defuncto, ipse omnium suffragio ad eam eminentiam peruenerit. Itaq; ipse in primis religionis curam suscepit, & ut omnia decenter & ordine peragerentur, instituit. postea quoq; templa

ruinã minantia renouauit, et ut pax cum uicinis retineret, unice studuit. Vnde his uirtutibus effecit, ut subditi ipsius eum plurimum amarent, & patris loco uenerarentur. Cum anno 1565 in eo loco essem, Martinus adhuc præfuit, & suo exemplo reliquos ad pietatem incitauit, id quod D. Henricus Muntzingerus, celebris eius loci Medicus pluribus uerbis & exemplis enumerauit. Anonymos.